

Sonego eliminisao Džumhura u 2. kolu Winston-Salema



Nakon nekoliko pobjeda u kvalifikacijama te u prvom kolu prestižnog ATP turnira pojavila se nada da bi Damir Džumhur u Winston-Salemu ponovo mogao daleko dogurati, kao prije dvije godine kada je igrao finale u ovom američkom gradu.

No, Lorenzo Sonego, Italijan koji je trenutno 391. na ATP listi, brutalno je ugasio ta očekivanja i s 2:0 u setovima savladao Džumhura u drugom kolu pomenutog turnira.

Prvi set je Sonego dobio s glatkih 6:1, da bi u drugom najbolji bh. teniser (trenutno 105. na ATP listi) pružio veći otpor. No, Italijan je kod 4:4 napravio break te zatim osvojio i gem na svoj servis za konačnih 6:1, 6:4.

Meč je trajao 68 minuta, tokom kojih bh. teniser nije napravio nijedan break.

Damira Džumhura sada očekuje nastup na US Openu.

(SCsport)

Date: 21-08-2019